

خصوصاً «چینیلر» اشتراك ايتدكلرى قېدىنه تصادف ايدىلنكده در. بوراده، مسلسل و تقويمى برشكلكده وقايع تثبیت ايديله مشدر. مؤخر چين يازمه لر نده «خاقاس» توركلرى «قيرغيز» نامى آلتنده مقيددرلر؛ و محفوظ قالان محكوك طاشلرده دخى عموميتله «قيرغيز» عنوانى محافظه ايتمشدر. ديكر قسملر داهاز ياده يكي دورلرى احاطه ايتمكده در. اساساً كتابك كنديسى پك اوافق اولديغندن، بو قسملرده معلومات ده طبيعتيله پك مختصر اولمشدر؛ و بالنتيجه، موضوع لايقيه تنوير ايديله مه مشدر. مذكور قسملر باشليجه شونلردن عبارتدر: قيرغيزلر ك حياتى، استقلال اوغرنده كى مجادلهرى، قيرغيز دولتى تشكىلاتى، قيرغيزلر دولتنك سقوطفى، قيرغيز داخلى تشكىلات و اداره سى، قيرغيزلر ك محاربه عرفه سنده كى موقعى. مؤلف، آريجه، هر قسمه برده ايضاحاتى حاوى معلومات خصوصيه علاوه ايتمش، و بعض مأخذلرى ده قيد ايتمشدر. اثر، بوتون قصورلرينه و مختصر اولما سنه رغماً، «خاقاس توركلرى» حقنده موجوده معلومات پك آزا اولديغندن، شبهه يوقدر كه، تورك شعبه لر ينك آتئوغرافيك تدقيقاتنده موجود بربوشلغك دولدور و لمه سنه خدمت ايتمكده در.

۱. مھمفر اوغلى

آ. سامايلوويچ: «معاصر عثمانى تورك لسانى» نك مختصر صرف و نحوى. —
«له نين غراد جانيلى شرق لسانلرى آنستيتوسى» كليانندن، نومرو ۱۰. — له نين غراد، ۱۹۲۵، ۱۵۴، صحيفه، روسجه.

بالخاصه معاصر روسيه توركياتچيلارى مياننده، تورك فياولوژيى تدقيقاتنه اك چوق تمايل كوسترن پروفسور «آ. سامايلوويچ»، مدرسى بولوندينى «له نين غراد جانيلى شرق لسانلرى آنستيتوسى» طلبه سنه مخصوص اولق اوزره، «توركيه توركيه سى» حقنده مختصر بر صرف و نحو مكتب كتابى وجوده كتير مشدر. اثر، پلانى اعتباريله، بوتون لسانى اينجه لكلى تامميه احتوا ايتيور سه ده، توركيه اوكره نكه يكي باشلايان طلبه اچون الزم بالعموم اساسلى قواعد لسانيه ي احاطه ايتمكده در. حتى، كال جسار تله ديه بيليرز كه، محترم پروفسور كندى روس طلبه سنى نظر دفته آلاق اثرى وجوده كتير مش اولمله برابر، اثر، نتيجه ده، كنيش مدقفلر محيطنك ده پك كوزهل استفاده ايديه بيله چكى برشكل آلمشدر. كره، مؤلفك مقدمه ده ده اعتراف ايتديكى كى، ۱۹۱۴ سنه سنده بر لينده نشر ايديلن «پروفسور وايل» ك [بوزات اليوم بر لين دارالفنونه شرق

تورکجه سی مدرسیدر [مفصل عثمانلی تورکجه سی قواعدی، وداها صوکر، یعنی بش التي سنه قدر بوندن اول مدرس «ژان دونی» نك فرانسه جه اولارق نشر ایتدیکی مکمل و مفصل صرف و نحو کتابی، بوساجه ده حس ایدیلن بوشلنی تامیله دولور مشسه ده، «پروفیسور ساما یلوویچ» ک بویکی کتابی ده هر حاله استفاده دن خالی دکدر .

اثر، مختصر رمقدمه دن و «تورکجه تورکجه سی» نك ساآتورک لهجه لری آراسنده کی موقع و اهمیتدن باحث خصوصی برمدخلدن صوکر، باشلیجه اوچ قسمه تفریق ایدیلشدر. ایلك قسمی تورک لساننک صوتیاتی (فونیتیک)، صائته و صامتہ لک تلفظ قواعدینی احتوا ایتکده دره. ایکنجی قسم مورفولوژیدن باحثدر؛ اوچنچی قسم ایسه باشلیجه نحوه منحصر دره. مؤلف، داها ایلریده، آمام ایدیلیمش اولان بوصرف و نحو کتابنک متباقی جلدلرینی نشر ایتیمینی وعد ایتکده دره. واقعا پروفیسور، اثرینک مقدمه سنده، پک متواضعانه برصورتده، اثرینک مختصر اولدیغنی ایلری سور یور سه ده، بومهم و کنیش ساجه ده کی بوشلغه یکی بر اثر علاوه سی، هیچ شبهه و قدرکه لسانیات نقطه نظرندن شایان شکراندر. یالکز، مؤلفک، «ترانسکریپسیون» مسئله سنده «رادولوف» ک قبول ایتدیکی اسکی سیسته می قبول ایتکده نه قدر اصابت ایتدیکنی، دوغروسی، تعیین ایده میورم. داها یکی سیسته ملردن بریسی قبول ایدیلش اولسه یدی، بلکه داها فضله - فونیتیک اعتباریله - غایه یه یاقلاشیلیمش اولوردی ظننده یز. مع مافیله بوکار غمما، اثر، قیمت علمیه سندن هیچ برشی غیب ایتمه مشدر .

۱. جعفر اوغلی

اوریا تالیا Orientalia — «له ینغراد عمومی کتبخانه سی» نشریاتین، سهری ۵، جلد ۱، له ینغراد، ۱۹۲۶، صحیفه XIV + ۲۰۰، مدیری: پروفیسور مارر.

«له ینغراد عمومی کتبخانه سی»، کندی داخندنه محفوظ بولونان مختلف علم شعبه لرینه عائد زنکین اثر قولکسیونلری حقنده برمدتدبیری دوام ایتدیردیکی سلسله نشریاتی توسیعا، آریجه، برده شرق شعبه سنی تشکیل ایدن یازمه اثرلرک هیچ اولماز سناک مهملری حقنده بعض معلومات ویرمک ویا اوللری قسیماً طبع ایتدیرمک صورتیله، شریقات و توریات ساحه لرینه ده خدمت ایتیمینی تحت قراره آلمش، و شیمدی به قدر درت سهری به منقسم بولونان کتبخانه نشریاتنه، «اوریا تالیات Orientalia» نامیده دیگر بر مستقل سلسله داها علاوه ایله مشدر. بومهم تشبثک ایلك